

modum olim Mirabiliarii, & nunc Anabaptistæ, vt sua deliria confirmant. Ab his enim Anabaptistarum ἐνδοξασμοί videntur petiti. 5 Esse eiusdem substantiæ animam quæ in hominibus, brutis animalibus, & plantis ipsis insit, quem errorem postea Manichæi sunt amplexi. Ita error latius propagatus est.

CAP. X.

Ebionorum error duplex. Ebioneis autem accensentur Sampsei, & Elceseï vel Elcesaitæ: & quid hi postremi ab Ebioneis differant.

Ebionei Christum etiam tantummodo hominem dicunt. Mandata carnalia Legis observant, Circumcisionem scilicet carnis, & cætera, à quorum oneribus per nouum Testamentum liberati sumus. Huic heresi Epiphanius Sampseos, & Elceseos ita copulat, vt sub eodem numero, tanquam una sit heresis, ponat, aliquid tamen interesse significans, Quamuis & in consequentibus loquatur de illis, ponens eos sub numero suo. 3 Eusebius verò Elcesaitarum sectam commemorans, fidem in persecutione dicit negandam docuisse, & in corde seruandam.

I Ebionei.) Neque hoc loco seruata est ratio temporis, siue à Tertulliano, siue ab Augustino, siue potius ab Epiphanio, quem sequitur *κτ' ἰσίδας* Augustinus. Nam ipse se refutat Epiphanius, qui cum post Cerinthianos & Nicolaitas collocet Ebioneos siue Ebionitas (vtrūque enim ab authoribus dicitur) eos tamē dicit cœpisse & innotuisse iā ex ipso Hierosolymitanæ vrbs excidio, & incidit

g. iiii.